

兵

鏡

Auteur : Wu Zi (吳 子)

Titre en langue originale : « 兵 鏡 » (abrégé de : « 兵鏡吳子十三篇綱目 »)

Titre en chinois : « Bing Jing »

Titre en japonais : « Hei Kyô »

Titre en français : « Le miroir de la guerre »

Titre en anglais : « The Mirror of War » / « The Soldier Mirror »

Année : Alentours de 1620

Le « Bing Jing » est une grande encyclopédie militaire de la Chine traditionnelle, couvrant tous les aspects de l'art de la guerre en 20 volumes, rassemblés au sein de 12 cahiers.

Vous trouverez ici l'intégralité de ces 20 volumes, scannés page par page.

兵鏡卷之二十

新都 吳惟順長卿父
吳鳴球玉宣父

同族吳仕嘉歷台父較正


九邊圖叙


國家驅逐胡元。混一寰宇。東至遼海。西盡酒泉。延袤萬里。中間白陽上谷。雲中朔岱。以至上郡。北地靈武。鴈蕪河西。山川聯絡。列鎮屯兵。帶甲六十萬。據大陰。以制諸夷。全盛極矣。初設遼東宣府大同。延袤西鎮。

繼設寧夏甘肅薊州三鎮。專命文武大臣。鎮守提督之。又以山西鎮巡統馭偏頭三關陝西鎮巡統馭固原亦稱二鎮。遂爲九邊。弘治間設總制於固原。聯屬陝西諸鎮。嘉靖間設總督於偏同。聯屬山西諸鎮。又設總督於蔚州。聯屬遼東鎮。戍益嚴密焉。然自大寧未棄遼東宣府大同。勢相連屬。自偏頭關逾河跨西北。大虜之警。守在東勝。河套之南。又有榆林。實相犄角。後棄大寧。移置都司於保定。而宣府遼東。勢始分矣。正統以來。有司又失守東勝。大虜乃得逾河。而偏頭關迤西。遂有河套之虞。因循既久。有司又不肯以

時巡套東勝之鎮併近內地形勢愈弱所賴以衛守
京師防邊虜者不過遼東宣府大同榆林四鎮而已
夫四鎮所領各堡亦有精壯苟足其糧餉守備等官
勤加巡哨爲之牽連援救自足以各守地方督率耕
牧從古備邊之道也今則撫臣借調探以自固將帥
假按伏以爲奸攻守無策而偷惰相襲文法太密而
巧避益多斥堠不立而勇敢未倡功賞不明而激勸
每寡地方屢失糧餉屢乏實此之故矣今惟痛革其
弊堅壁固守勤加巡哨爲耕牧長計而無狃近利乃
可爲也。










卷之二十一

四




































九邊論叙

九邊圖論乃許恭襄公應詔條陳之石畫也。起自遼
薊宣大。以及延寧固原甘肅等邊。于凡山川之險易。
虜勢之盛衰。城堡之脩廢。將領之賢否。糧餉之盈縮。
一一得於聞見。叅於稽考。傳於父兄。八千餘里之形
勢了然在目。今歷數十年來。各邊地勢情弊。雖因革
損益不同。然能依此究心。則自能知備禦之道。是在
北鄙將帥得人而已。

遼東

遼東禹貢青冀二州之城。舜分典東北爲幽州。即今

廣寧以西之地。青東北爲營州。卽廣寧以東之地。三面瀕夷。一面阻海。特山海關一線之路。可以內通。亦形勝之區也。歷代以來。地皆郡縣。我

朝盡改置衛。而獨於遼陽開元設安樂自在州。以處內附夷人。其外附者。東北則建州毛憐女直等衛。西北則朵顏福餘泰寧三衛分地世官互市通貢。東北諸夷。屋居耕食。不專射獵。而西北則俗仍迤北。竊發頗多。要在隨勢安輯。處置得宜。先事申嚴防守。不墮俾恩威並立。足挫兵心。斯計之上。而併斬諭功。則第二義也。開元廣寧。並據襟吭。金復海蓋。頗稱沃野。海

上自劉江之捷，倭寇絕跡。弘治中，曾一見之，未及岸而逝。若今則晏然久矣。三岔河南北亘數百里，遼陽舊城在焉。木葉山雲之間，即遼之北京中京地也。草木豐茂，更饒魚鮮。自國家委以與虜，乃遂進據腹心，限隔東西，守望勞費。道里迂遠，遼人每憤憤焉。成化以來，論者率欲截取，而屢作屢輟，竟不可行。無亦有識者爲啟釁邊方之慮乎？他如革馬市之姦欺，糾驗放之抑勒，塞請開之貢路，禁驛傳之繹驛，增臺軍之月給，教百姓之儲蓄，專制一方者，不得不任其責矣。

薊州

薊州京師左輔也。我

太祖旣逐胡元迺卽古會州之地設大寧都司營州等衛而封寧王於遼東宣府東西并列以爲外邊又命魏國公徐達起古北口至山海關增脩關隘以爲內邊

神謀邈哉遠矣

太宗文皇帝靖難後兀良哈部落內附迺改封寧王於江西徙大寧都司於保定散置營州等衛於順天之境而以大寧全地與之授官置衛令其每年朝貢二次每次衛各百人往來互市永爲藩籬卽朮顏泰

寧福餘三衛是也。遼東宣府自此隔涉。聲援絕矣。正統以前。夷心畏服。地方寧謐。土木之變。頗聞三衛爲也。先嚮道。此後因而添設太監叅將等官。而夷情亦變。許不同。然尚未敢顯言爲寇。正德以來。部落旣蕃。朵顏獨盛。陽順陰逆。屢肆侵噬。花當則脅求添貢。把兒孫深入虜掠。動稱結親迤北。恐嚇中國。故三衛夷情難與往日例論。禍機所伏。不待知者而知。黃花鎮擁護陵寢。京師後門。今河間等衛之戍空名無實。此其卑弱極矣。議者謂更當增戍。而關外間田可募兵屯。此亦一策也。古北口。潮河川。俱稱要害。而潮河

川左爲虜衝。作橋則浮沙難立。爲塹則漲水易淤。雖
曾設有關城。勢孤難守。今雖塞川大建石墩數十。令
其錯綜宛轉。不礙水路。庶幾可以久乎。喜峰口三衛
入貢之路。撫賞諸費。久累軍丁。近取諸馬場子粒似
矣。建昌營自裁革內臣之後。以其兵多於燕河營。乃
復添設遊擊。夫遊擊之名。謂居中乘便。四面馳擊也。
今偏在東隅。其謂之何。矧東去燕河營。叅將止五十
里。西去太平寨。叅將止六十里。不爲贅員。且掣肘乎。
識者謂。薊鎮在今當重其事權。總兵湏與掛印同巡
撫駐劄。其遊擊駐三屯營。若燕河馬蘭密雲三叅將

則仍舊而以太平寨併入建昌爲一。參將則庶乎體
統正而緩急有濟矣。且設關於外所以防守立營於
外所以應援。今關營提調旣分爲二則關獨當其害。
營乃肆爲觀望耳。假令營之提調卽司所直之關責
有攸歸其復將誰諉。又本鎮額兵原少。隘口甚多。除
分戍之外消耗之餘所在單弱。言之寒心。是故存留
京操之士益寡。土著之兵設險修關。嚴烽遠謀。選將
練兵。足食明法。曲突徙薪之計不可一日不講也。

宣府

宜府秦漢時上谷郡也。國初常忠武王遇春破虜

於漠北卽元之上都設開平衛守之置八驛東則涼亭枕河塞峰黃莊四驛接太寧古北口西則桓州威虜明安隰寧四驛接獨石。

太宗文皇帝三犁虜庭皆開平興和萬全出入嘗曰滅此殘虜惟守開平興和太寧遼東甘肅寧夏則邊境可永無事矣後大寧既以與虜興和亦廢而開平失援難守宣德中乃徙衛於獨石棄地蓋三百里土木之變獨石八城皆破雖旋收復而宣府特重矣宣府山川糾紛地險而狹分屯建將倍於他鎮是以氣勢完固號稱易守然去京師不四百里鎮鎗所寄要

害可知。北路獨石馬營一帶地雖懸遠。然長阻長安嶺。虜難徑下。中路之蔚峪大白陽青邊諸堡。西路之柴溝洗馬林萬全諸城南路之東西順聖皆稱虜衝。警屢至焉。東路永寧四海冶及龍門所則三衛窺伺之地。而四海冶上通關平大路。下連橫嶺兒又要地矣。今考塞垣所據險亦幾盡。第時異勢殊有不可不爲之經畫者。若曰補長峪城鎮。迫城之募軍重浮圖峪。擣箭嶺之防守。留茂山衛京操之士以益紫荆築李信屯交界之堡。以固兩鎮此豈容已乎。且宣府軍士素稱敢戰矣。乃近年叅將都勲。山境燒荒。邇處

十騎而潰關山王經前後陷沒此猶可諉也若滴水
厓郭舉之叛及諸軍告糧而譟此則漸不可長况伊
邇大同耳目習染可不慮哉是故有撫綏之將而後
有節制之兵有節制之兵而後有彊圉之固籌宣府
者此其大計矣至於邊儲一節則員外楊守謙所論
得權宜之術附見於後以備一時參考云守謙曰嘗
聞弘治中宣府各城粟茭之積多至有六七年者少
亦不下三四年今則止數月耳倉廩儲蓄瓦礫場地
鞠爲茂草或勢家佃以爲業然則飽歌騰槽之勢安
得而復見哉這鎖敝壞乃至此極賴

國威靈。僥倖無事。使遇也先火篩之變。將何以待之。
司國計者。不可不深長思也。宣府至京師。僅三百餘
里。有必不得已之事。則空運之策可行也。此蓋先朝
所已試者。亦一時拯溺救焚之方云。又按邊軍月餉
法曰。折色者六月。本色者六月。在邊者折銀七錢。在
內者折銀六錢。又曰本折聞支。此諸邊之通例也。然
春夏之月。禾稼未登。粟價騰踊。邊臣苦於蓄積之未
多也。則固與之折銀。秋冬之月。粟價稍平。倉廩稍積。
則始與之本色。當其騰踊也。銀一錢或止易粟六七
升。或四五升。是一月折銀猶不及半月之粟。如之何

其不饑而疲且至死也。欲責其死綏之節。不亦難哉。
說者謂宜於歲例之外。每鎮發銀十餘萬兩。遇大熟
之歲。則於歲例招買之外。糴粟六七萬兩。中熟亦糴
三四萬兩。但別儲之。每春夏粟價騰踊。若歲例之粟
尚足支持者勿動。惟騰踊之甚。不可支持者。借支二
三月。秋熟之後。卽於歲例內招買者補償。仍別儲之。
如此則士得實惠。而所省亦且數倍。卽有重大虜患。
徵發旁午。緩急亦有所濟矣。此誠今日之急務。而司
國計者所當講求云。

大同

卷之二十一
大同古雲中地。川原平行。故多太舉之寇。西則平虜威遠。中則右衛水口等處。皆稱要害。蓋虜南犯。朔應諸城必窺之路也。東則天城陽和。爲虜入順聖諸處之衝。而平虜西連老管堡。與偏關近。虜纔出套。便涉其境。故大同稱難守焉。先年邊政嚴明。警備差緩。自多故已來。大邊已失。二邊之內。棄爲王庭。墩軍騎惰。警報不明。至有與虜通貨。入而後報者。他可知矣。以地利言。則議者曰。五堡决不可不復。高山聚落之戍。是宜當增。以人事言。則正紀綱明法令。今日第一義也。夫修五堡。有三利焉。藩屏外固。内地獲安。一也。沃

土茂田富庶可期。二也。二邊既復。宣寧等縣棄地亦可漸理。三也。若高山聚落二堡在鎮城南腋間。寔爲東西虜衝。募軍分駐。則按伏之費省。犄角之勢成。無容議矣。顧募軍之糧。所宜亟補耳。河南山西歲運多不及額。而屯田又多逋負。是故足食之計。非例外發銀專官糴買。吾無策矣。若大馬之衷耗。弊在各城搶充。此在軍之言。當事者不可不知也。偏頭寧武鴈門三關。各稱要害。而偏關逼近黃河。焦家坪。娘娘灘。羊圈子等處。皆在虜渡口。往來蹠躡。歲無虛日。尤爲難守。今防守之兵。半是民壯。馬又小弱。非大僕寺所允。

有扶傷救死之不暇。而責以敵愾之氣。難哉。或謂已
已之變。大同徵山西之兵。防禦者。蓋幾七千。今在鎮
城。止供薪木門戶之役。而坐糜糧餉。分毫無益。若改
成三關。給以太僕寺之馬。民壯數千。盡爲除革。此不
惟邊防有賴。而所省亦且多。此貲矣。大魏尚李廣。皆守
雲中。尚給士卒。糴軍吏。無所不至。廣遠斥堠。就水草
頓止。人人自便。是以能用其衆。以制匈奴。今之邊臣
有能愛將士。若此者乎。由今之道。馭今之兵。厝火積
薪。固以爲安。吾不如大同所終也。

榆林

延綏二邊附此

榆林舊治綏德而棄米脂魚河等處於外幾三百里。虜輕騎入掠興鎮兵出禦之每不及而返虜得投隙焉。成化九年都御史余子俊建議徙鎮榆林堡襟吭既據内地遂安邊牆東起黃甫川西至定邊營長凡千二百餘里連墩勾堡橫截河套之口內復塹山澗谷是曰夾道地利亦得矣彼時虜少過河軍士得耕牧套內益以樵採圍獵之利地方豐庶稱雄鎮焉自虜據套以來邊禁漸嚴我軍不敢擅入諸利皆失而鎮城四望黃沙不產五穀不通貨賄於是一切芻粒始仰給腹裡矣弘治中改西延慶三府本鎮之稅。

爲拋荒折色者。二萬餘口。正德中。又改三府本色。盡
爲折色。自是軍用始窘。遂有米珠草柱之謠。况有節
募新軍而糧未增。尚在額內支給。又邊邑凋敝。災傷
所免。及拖欠者。復百有餘萬。焉得不窮困。至於今日
之極也。嘉靖七年。鎮城餓莩幾萬。戶之痛心。嗚呼。此
鎮將士懷忠畏法。死無怨言。敢勇善戰。虜所素惮。乃
令年年枵腹。不得一飽。傷哉。傷哉。脫有點虜窺知。虛
實以重兵壓境。及客兵旣集。日費益廣。更以一軍駐
魚河之地。卽糧道阻絕。不兩三月而榆林坐困矣。況
今鹽法已壞。飛輓之計。失在官糴買。一費數倍。戊子

之歲東草價至二錢他可知矣。故諭榆林者急在芻糧他非所慮。又本色不復則榆林未可知也。今三邊芻糧至難處矣。愚謂黃河自陝州而上至綏德近境春初時皆可舟行若計沿河郡縣改徵本色水陸接連而上則榆林其少蘇乎。再於延寧甘固適中之地另設倉場各以戶部一員主之每年予鹽銀十餘萬令其糴買儲蓄專備客兵之用出入稽考歸戶部邊官無得那移借貸倘客兵一年不至則有一年之積如是數年或可少裕也。套地長幾二千里橫至數百里亦漢武朔方地也唐猶內屬魏公築三城於河外。

史稱其功。夫拒河爲守。尚不能固。乃能遏虜於河外。其置烽堠千八百所。所湏萬人。而史云減戍。此皆不可曉者。近有復屯之議。謂當循唐舊。又謂當復守東勝。則榆林東路可以無虞。審時度力。思不知計所出矣。西路最稱要害。而安邊定邊。連接花馬池。更爲衝刺築墻設險。事有不容已者。若沿邊困悴之邑。唇齒相依。當擇賢令旌。以異等令其撫綏招來。庶幾可以保全乎。夫榆林地險而防嚴。將士敢勇。戰不貫宵。虜呼爲駱駝。城人馬見則畏之。四方征調所向有功。更多將材。有節氣。視他鎮爲最焉。第鎮城遠處平不毛。

軍衆待哺於腹裡。生理既難。糧道又遠。倘人事不修。則六邊之廢。其首在茲乎。故云榆林者。患在芻糧。他非所計也。

延綏二邊。東起黃甫川堡。西至三山饒陽界。與固原內邊形勢相接。成化間修築榆林等城二十餘堡。俱在二城之外。蓋重邊設險。以衛内地也。

寧夏

寧夏亦朔方地也。鎮城所據。賀蘭山環其西北。黃河在東南。險固可守。漢唐舊渠皆在厥田上。人易爲生成化以前。虜患多在河西。自虜據套以來。而河東

百里間更爲敵衝。是故寇平固則犯花馬池掠環慶則由花馬池之東入靈州等處。則清水營一帶是其徑矣。築牆畫守始自巡撫徐廷璋。此千古卓然之見而總制楊一清王瓊唐龍皆常增築更益敵臺足禦竊發矣。顧兵寡勢分難當大舉之寇。豈人謀地利有未盡耶。今論者以固原爲堂奧。響石溝至花兒岔爲二門。花馬池一帶爲三門。謂有重險矣。不知賊已入大門。則堂奧無用。風雨飄忽之所。及內地村聚之民急欲收保而無由也。嘗聞弘治以前虜住套不常。間有連歲不入者。我邊每歲於河東時決其出入。入

則戒嚴出卽解嚴。蓋冰泮後則不復能出入矣。今虜渾脫飛渡數萬立濟。經年住套。安爲巢穴。逋逃教誘盡知我內地虛實。此可與往日論哉。而花馬池一帶適其利涉之境。遊騎出沒無日無之。宜乎延寧固靖終歲不得少息也。試嘗籌之。若擇花馬池便利之地。大建城堡。添設叅遊。移總制居之。分屯重兵於清水武興等營。令三百里之間。旌幟相望。刀斗相聞。其鐵柱泉等處水草大路。盡建墩堡。此不惟得扼吭先制之計。東援榆林。西援寧夏。亦常山蛇勢也。又洪武以來。虜出入河套。往來甘源。皆自賀蘭山後取道。自總

者。杭庭敗後。遂以山前爲通衢。趙瑛周尚文禦之皆敗。由此不已。愚不知寧夏所終也。或曰舊墩瞭望直出。山外有警。卽聞。易於追絕。今皆廢矣。或又曰赤木黃峽等口。舊皆壘石固塞。防守有人。今亦不然。是以莫之禦虜也。夫敗軍法重。無苟免者。是以邊臣知畏。地方少事。今寧夏失機屢矣。而舊將晏然無事。求之各逸。無不然者。此不可爲邊民痛哭哉。鎮城南北僅百里。東西止二百餘里耳。王瓊廢鎮遠關而城平虜。棄地蓋八十里。一何易也。今虜患愈近。而民利益窘。善謀者一至是乎。若山南作塹。以遏西來之寇。則得

之矣。中衛偏在西隅，雖地狹易守，顧山後之虜，時虜者數數有之。尋討故事云：自賀蘭山直西至鎮番內，皆漢武舊地。今棄之矣。果如所論而城守之，則莊涼靖固中衛俱安枕矣。

甘肅

甘肅卽漢之河西四郡。武帝所開以斷匈奴右臂者，蓋自蘭州爲漢金城郡，過河而西，歷紅城子莊浪鎮羌古浪六百餘里，至梁州爲武威郡，涼州之西，歷永昌山丹四百餘里，至甘州爲張掖郡，甘州之西，歷高昌鎮東四百餘里，至肅州爲酒泉郡，肅州西出嘉峪。

關爲沙爪。亦斤苦哈。以至哈密等處。則皆燉煌郡地也。洪武五年。宋國公馮勝下河西。乃以嘉峪關爲限。遂棄燉煌焉。自莊浪岐而南。三百餘里爲西寧衛。古曰湟中。自涼州岐而北。二百餘里爲鎮番衛。古曰姑臧。此河西地形之大畧也。夫以一線之路。孤懸幾千里。西控西域。南隔羌戎。北遮胡虜。經制長策。自古已難。况茲凋敝之餘。非豪傑任事之臣。其孰能爲之。且哈密甘肅籬籬諸番領袖。成化以來。陷於土魯番。恢復之議。至屢累朝。顧在今日有難者二。有當緩者四。不可例以往日。何也。哈密累敗之餘。喪亡略盡。

縱令復國。豈能固守。此一難也。恢復之計。曉諭不從。
必煩聲討。虛喝謾恐。難以震動。試言今日可復能爲
先襄毅深入之事乎。此二難也。往建哈密。以其能制
諸夷。爲藩蔽也。今不能矣。立之何益。是故哈密者昔
爲要區。今爲散地。盛衰之會殊。強弱之形異。當緩一
也。哈密轉徙之衆。已長子孫。身事讐國。遺我以難。是
彼無共天之義。我有同舟之急。此何爲乎。當緩二也。
累朝以哈密之故。勞費萬狀。議論無已。是以夷人視
之爲奇貨。以爲中國一日不可無哈密也。今日索金
幣。明日求進貢。今日送金印。明日還城池。假令自今

不復言哈密恢復事。彼當何爲乎。以爲將遂有哈密也。則豈待中國棄之而後取之。以爲不能。則哈密猶舊也。况閉關絕貢。可以制諸夷之命乎。當緩三也。赤斤蒙古安定曲先等衛。亦皆中國藩牧。赤斤等衛破於土番。安定等衛破於海賊。何不聞爲彼恢復。而切切於哈密乎。當緩四也。番於六者之間。則哈密可復不可復。圖機之上。必當破衆說而建長策矣。至於亦不刺者。迤北遼寇盤據西海。吞拜屬番爲西南患。頃歲已許內附。尋因其敗弱而棄之。頗爲失計。何也。甘肅之患。北虜倏去倏來。南番坐守之夷耳。惟土魯番

自兩犯甘肅以來。累肆荼毒。漸不可長。若收海上之
虜。置之哈密近境。結以恩德。西制土番。北制瓦刺。此
千載一時也。倘有成績。卽令職西域之貢。何所不可。
議者。祇恐別起事端。而不思遠地無干。祇云夷心叵
測。而不知窮寇易用。視自據西海。散處河岷。何如耶。
矧以虛糜得實用。借虜地爲干城。得失利害。不較可
知。又今河西屯田敝矣。二千里內。計丁一萬七千耳。
防守不設。耕種難也。累遭殘破。生聚難也。脰削無已。
休養難也。是故人益貧。口益杜。食益歉。兵益弱。而屯
田益不興矣。近日添築新堡。廣招佃種。似矣。豈有借

堡未充而更能定新堡者乎。豈有不爲防守而敢遠耕者乎。豈有將不休養而人得生聚者乎。他如李淮之議曰。欲將見堡量給以馬。無事令其瞭望而耕耘。有事得以聯絡而馳逐拯溺救焚此其近策矣。蘭州舊有管糧郎中而不司支放與宣大事體少異已失事宜或又令其歷任催徵不更遠乎若以省參一官專駐蘭州以督邊課如近時山東河南南京運事例而移郎中於甘州如宣大例則稽察歸於戶部催科便於本省是或一道也西寧控十三番族四堡六千戶所近又益以海寇之擾亦要地矣不令屬莊浪而令

設參將易瓊之議是也。若我太宗以夷治夷。建寺立僧之法。蓋有深意。今有講求其故者乎。西域之貢番文動數百紙。詐冒相仍。騷擾無益。若給符限年。勒以名數。庶可久可繼之道也。嗚呼。病於塞而求通。傷於困而思起。今日之甘肅。豈一事耶。舉其大者。聊以見緩急而已。

固原

固原開城縣地也。成化以前。套虜未熾。平固安會之間。得以休息。所備者靖虜一面耳。自弘治十四年。火篩入掠之後。遂爲虜衝。於是始改立州衛。以固靖甘

蘭四衛隸之。設總制叅遊等官。屹然一巨鎮矣。鎮與寧夏爲唇齒。花馬池一帶。邊人謂之大門。若併力堅守花馬池。則固原自可無虞。而祁石溝至靖虜一帶。修築又在所緩。蓋力分則勢弱。寇已入門。主人束手。故恩以爲總制。不駐花馬池。則固原未可息肩也。靖虜一帶。每歲黃河水合。一望千里。皆如平地。若賀蘭山後之虜。踏冰馳踔。則蘭靖安會之間。便爲禍階。胡兵防守。候在冰凍。而西鳳臨鞏之卒。多未經戰。豈能捍禦。然則不添沿河之堡。不屯常戍之兵。則固原又未可息肩也。徵調客兵。他鎮有事則然。無事則已。若

固原防守之戍。每歲凡四閱月而芻糧不爲之處。尚在本兵額內支給。如之何其不告乏乎。小鹽池批驗舊在固原。蓋來商旅納貨賄。期以填實此地。而王瓊移置下馬房。其見偏矣。夫固原中制之地也。總督所在。我務攸關。此特一隅之論耳。若夫任將任官。足食足兵之計。孰不能言之所以體權盡變。存乎其人焉耳。

烽燧

凡守邊不過遠斥堠。謹烽火。薊鎮以險可恃。烽火不修久矣。緣軍馬戰守應援素未練習。分派故視烽火

無用。今凡無空心臺之處，卽以原墩充之。有空心臺所相近百步之內者，俱以空心臺充墩。大約相去二里，柳鼓相間爲一墩。每墩設軍五名，計減去濫設墩軍不下數千。省費不貲。墩之相去，惟以視見聽聞爲准，不相間斷。近臺者聽守臺，百總調度，不近臺者聽信地百總調度。烽號賞罰，立爲哨守條約，分給官軍。習學遵行。每一提調下各設把總二員，每一路各設傳烽委官一員。凡遇賊馬所向之處，該墩舉烽。左右分傳兵馬見烽，卽行收拾器械。或應速發，或應候報，或應赴邊者，分投趨赴戰守。

傳烽歌

傳烽號令妙無窮。編與墩。各一通。千賊以上是大舉。百里餘外卽傳烽。一砲一旗山海路。一砲二旗石門烽。一砲三旗燕河警。一砲四旗建昌功。二砲一旗太平寨。二砲二旗是喜烽。二砲三旗松棚路。二砲四旗馬蘭中。三砲一旗墻子嶺。三砲二旗曹家烽。三砲三旗古北口。三砲四旗石塘終。若遇夜間旗不見。火池照數代旗紅。賊近牆加黑號帶。夜晦換盞大燈籠。賊若潰牆進口裡。仍依百里號相同。九百以下是零賊。止傳本協自成功。單用砲聲分四路。不湏旗火混。

每得山海大牆皆一砲在門。喜曾二砲從燕河松古三砲定。四砲建馬石塘終。零賊東西一時犯。兩頭砲到一墩重。該墩聽砲分頭說。東接西來西接東。但凡接砲聽上首。砲後梆響即如風。砲數梆聲聽的確。日旗夜火辨玲瓏。各軍俱要留心記。若有差池法不容。

女直考略

按金女直卽金餘孽也。金以前勿論。國初定開元。改開原道。控帶諸夷。女直各部在混同江以東。東濱海西接兀良哈。南隣朝鮮。北至奴兒干。畧有三種。自湯站東抵開原。居海西者爲海西女直。居建州毛憐者。

爲建州女直極東爲野人女直。它種甚夥。開原北近
松花江曰山夷。又北抵黑龍江曰江夷。而江夷有灰
扒兀刺等族。建州毛憐裔出渤海。事耕紝。居處食飲
有華風。海西係黑水裔。其山夷倚山作寨。即屬女直。
完顏種江夷居黑龍江。卽生女直。竝有室廬。或以桦
皮爲帷。止則張架。俗善射馳獵。耐饑渴。忍詢好盜。其
戰鬪多步少騎。上下巖壁如飛。而建州阻萬山。獨居
中。據要害。五嶺喜昌石門尤扼險。人騎不得成列於
女直。稱最强。永樂元年遣行人邢樞招諭奴兒干諸
部。野人酋長來朝。因悉境附。九年春遣中使治巨艦

勒水軍江上。召集諸酋豪。縻以官賞。於是康旺。佟答刺哈。王肇。州瑣。勝哥。四酋率衆降。始設奴兒干都司。自朮原東北至松花江以西。先後置建州毛憐。塔山等衛一百八十四兀者等所二十。官其酋爲都督。都指揮。指揮千百戶。鎮撫。賜勅印。各統分部。復置站地面各七寨。一不領于衛所。令歲以冬月從開原入朝貢。唯野人女直僻遠。無常期。諸部願內附者。開原設安樂州。遼陽設自在州。處之已。又爲海西建州各夷。立馬市。開原歲時賜予甚厚。終帝世奉職謹。征調輒赴。建州衛指揮阿哈出。以功

賜姓名李思誠。其子釋家奴。曰李顯忠。顯忠弟猛哥不花。亦以內附領毛憐衛。累都督同知。久之。顯忠从子滿住襲求駐牧蘇子河。而開原降虜楊木答戶。率數百騎奔建州。浸爲遼患。宣德間。守臣務招徠。請居以建州老營地。老營者。朝廷歲以其地取人參松子。所名東建州。乃是也。四年。海西野人女直數寇掠。都督巫凱請討之。不許。 賦勅戒諭令凱厚恤貢夷。正統初。建州左衛都督猛可帖木兒爲七姓野人所殺。弟凡察。子童倉。走朝鮮。亡其印。 詔更給。以童倉弟董山襲建州衛指揮。亡何。凡察歸。得故印。 詔上

更給者。臣不出。乃更分置右衛剖二印。令董山領左
凡察領右。正統末。董山與李滿住等。竝附也。先爲耳
目。抄掠遼東。景泰中。都御史王翹諭歸所掠。稍寧戢。
而海西野人諸酋長死也。先之亂盡失。賜勑子孫
不得襲以舍人入貢。宴賓大減殊心望。天順三年。董
山潛結朝鮮。僞授中樞密使。巡撫都御史程信。許令
自在州知州。終成廉他事。得朝鮮授山制書以聞。
上遣給事中徃朝鮮。錦衣譯者徃建州。各軟語枝梧。
出制書示始。帽服貢馬謝。成化二年。左都御史李秉
言建州毛憐海西各部來貢。邊臣案驗。貂皮取純黑。

馬取腋壯否。卽拒之。非厚徃薄來意。且貂產黑龍江
迤北。非建州毛憐所有。宜勑守臣驗放。無過苛啓。鑿
下兵部議。如秉言。而董山來朝。語不孫。糾毛憐海西
夷頻盜邊。三年。命武靖伯趙輔。充靖虜將軍。左都御
史秉督師。率漢番京邊官軍五萬。往征之。山悔自歸。
詔羈廣寧尋伏法。九月。分三道搗其巢。左軍出潭河。
越石門。至分水嶺。右軍由鴉鶻關。喜昌口。踰鳳凰城。
摩天嶺。至溪猪江。中軍自撫順經薄刀山。過五嶺。度
蘇子河。至虎城。刻日會勦。朝鮮亦遣中樞府知事康
純等佐兵萬人。遇東走路。俘斬千計。并誅李浦。仕會

積雪寒裂膚。遂班師。指揮張額的里率妻孥降。且曰。
此地自漢人跡罕至。唯唐太宗東征抵鳳凰城。今大
兵追奔及此。乃天也。輔具奏。

上憐而貲之。仍安置都吏閩廣。而我所損士馬亦不
貲。四年留副總兵韓斌防守。築撫順、清河、綏陽諸堡。
五年禮部奏勅通事武忠等諭。海西女直各夷常貢
外無進海東青兔鵠。并省諭貢使無溢額。六年建州
夷窺邊庾虛謀作亂。巡撫都御史彭誼獲其謀檄轉
餉實鐵嶺瀋陽三萬諸衛整師出遼陽。衆潰匿。
廷因示羈縻。復以董山子脫羅爲指揮。它從叛者得

朝

降秩襲諸夷復貢。然往往聲報董山讐。糾掠塞上。十四年。海西兀者前衛都指揮散赤哈上蕃書。言開原驗貢勒受珍珠豹皮。兵部移文都御史陳鋮勘狀。徵赴廣寧置對。散赤哈率所部十餘輩。由撫順關入。守將以非故道。郤之。因藉忿與建州夷合。乘虛大掠鳳集諸堡。鉞揜近邊蕃戶。以捷聞。更請大發兵。巨璫汪直惑通事王英言。銳請行。冀邀功賞。詔以兵部侍郎馬文升經畧。直亦繼往按事。文升疾趨瀋陽。召各酋長撫慰。賑以牛布。已謀知海西夷反側。密檄總兵歐信等。仍邀擊。大破之。海西夷亦聽撫。比直至衆。

已各解散。直心害文升功，而文升遇直倨。鋗復捕以媚直，遂奏建州女直諸夷以文升署在鎮禁易農器，故屢入寇。

上遣直及刑部尚書林聰卽訊。文升言所禁鐵器非農器，不聽。明年下文升獄，謫戍重慶。是時東寧人劉八當哈以天順間盜馬奔建州。至是與張驥兒等冒虜酋阿卜等名朝貢，梟首惡，遼東塞而陳鋗希直意。奏建州女直伏當加聲寇遠，請搗穴，遂命撫寧侯朱永佩靖虜將軍印，充總兵官討建州夷，以直督師。鋗叅贊東征軍務。直等給執貢夷郎禿等六十餘人械。

所司。并襲老弱報級。加直祿米。進永保國公。欽右都御史。十六年。建州女直以復仇。慘掠清河等堡。後三年。直始敗。鉞坐褫職爲民。起馬文升左副都御史。巡撫遼東。會其酋完者禿貢馬。復聽襲。修貢如例。塞上寇益稀。正德八年。海西夷加哈文。祝孔革等阻貢。旋就撫諭。嘉靖初。海西夷酋速黑忒強。以修貢謹。及捕叛夷猛克特。進左都督。賜金帶大帽。其後請乞漸煩。貢浮額。從兵部議。勅守臣嚴覈。如制二十二年。建州右衛夷酋李撒赤哈。糾衆入寇。都御史孫愷禦之。多亡失。至深入鳳凰城。命給事中林廷學往勘。

明年廷學還報。上言遣官詣稽衛所原額。令以次分
番入貢。庶幾古人質子之意。并懸都督重秩。以待斬
馘奇功。亡何以海西夷酋王忠偵虜功陞都督僉事。
其秋建州夷酋趙那魯等分道寇湯站等堡。禦郤之
而李撒亦哈復盜邊。二十四年就擒。累塞上賜總兵
趙國忠等金幣頃之都御史於放減撫賞諸夷譁詐
殺譁者遂挾憤入塞。殺掠如成化時。巡撫以不任相
繼罷。二十七年女直諸夷及兀良哈勾虜入遼都御
史李珏復罷去。遼東大困。已復修貢不絕。久之海西
夷酋王台襲祖速黑武職鎮廣順關而祝孔革遺孽

逞加奴仰加奴亦欵鎮北關因以南關北關別其號
南關忠順特著建州夷酋王杲方蹣撫順四十一年
誘殺副總兵黑春深入遼陽隆慶五年冬我師大破
建州夷汪住等馘斬近六百而杲益縱掠萬曆二年
撫順遊擊裴承祖等被戮總兵李成梁身督師出撫
斬級千一百有四來獻捷明年杲走匿王台寨因宣
諭台及伊子虎兒罕執果獻加台龍虎將軍進二子
都督僉事秩遂磔杲益拓寬奠六堡七年建州夷酋
王兀堂漸誇張八年連犯綏陽永奠諸堡我師追奔
出塞二百餘里至鴨兒墳得級七百五十四兀堂爲

氣奪。而王果遺孽阿台。投仰加奴等。修鄭南關。且勾
虜覓孤山鐵嶺。十年。李成梁勒兵曹子谷。大破之。明
年。撫古勒寨。誅阿台。是時王台及虎兒罕相繼歿。所
遺猛骨孛羅。及虎兒罕子子反商。稚弱。仰加奴雖台塔
慎。其父祝孔革。死台叔王忠手。并奪貢物。及季勒
寨。與兄逞加奴。固未嘗忘報復也。十一年。以婚西虜。
借恍忽大煖兔等騎可萬餘。與反商搆。并攻猛骨孛
羅。恣掠把吉諸寨。都御史李松宣諭。不從。因密商總
兵李成梁。伏兵中固城。擊殺逞加奴。仰加奴而逞加
奴遺孽。十寨。仰加奴遺孽那林孛羅。日夜圖報父連。

西虜以兒鄧侵掠反商。挾索貢勅。十五年。那林李羅
引西虜萬餘騎急攻把太寨。而王台孽子康古陸。向
奔逃加奴。得歸娶父妾溫姐。反攻反商。猛骨李羅亦
以母溫姐故。協謀我師。往援執溫姐尋釋之。囚康古
陸脅命。而猛骨李羅爲北關迫脅。焚巢刦溫姐去。十
六年。李成梁從威遠堡出搗。上察鄂林李羅。請降總
督侍郎顧養謙議。并釋康古陸刑牲盟。聽兩關均勅
釋憾。會建州夷酋奴兒哈赤與反商約婚。亦頗藉爲
輔車。而奴酋方斬叛夷克五十。乞陞賞。十七年。竟予
都督秩。以此遂雄長諸夷。初奴兒哈赤祖叫塲。父塔

失立從征。呵台爲鄉導。以兵火奴兒哈赤方幼。李成
梁直雖視之後。稍蠶食張海色失諸酋。及與反商爭
張海。固約婚罷兵。且殲叛夷。憇祖父殉國狀。以都指
揮驟躋崇階。與南關埒。心固已騰踴。賜張矣。而反商
酗酒好殺。衆不附。十九年。十寨等陰令部夷賊商中
道。南關止遺猛骨孛羅。則勢愈孤。又日與北關相搆
怨。頃之。奴兒哈赤計殺十寨。旋以保塞功。加龍虎將
軍。駐王台。潛有併海西意。而北關那林孛羅。與南關
猛骨孛羅。方酣于鬪。二十七年。猛骨孛羅不支。以子
女質建州借兵。已因飛語激怒。奴兒哈赤反執猛骨

寨中。奴酋實心利其妻妾部落。外恐吾聲罪。廻鶻
女許猛酋。而陰縱其妾與通。遂以私外母名殺之。邊
吏往詰。則以女許婚猛酋長子。吾兒忽答。二十九年。
與那林李羅補雙貢。而吾兒忽答陽以撫養。旋羈建
州寨。南關不絕如綫。北關夷酋那林李羅白羊骨。乃
約婚西虜宰賽自託。奴兒哈赤益旁齒朝鮮。及黑龍
江上諸夷。三十三年。李成梁再出鎮。則議徙寬奠新
疆民六萬餘入內地。弃新疆爲甌脫明。奴兒哈赤
強勒清河沿邊參直。并爭入貢草價。三十六年。混南
關勒頂賞。明年。以萬騎築故寨。漸逼開原。御史熊廷

請添募兵兼撫北關收牢寨煖鬼折其謀頃之奴兒哈赤願遵諭減車價及還張其哈喇佃子侵地而伊塔江東十占吉急走北關四十一年藉逋塔與北關仇殺益墾南關曠土糾西虜宰煖二十四營馳清河始檄薦兵五千赴援而奴兒哈赤好語謝邊吏都御史張濤初至惑其謀更以拒婚老女并匿逋婿爲北關罪且許奴酋質子入關亡何奴兒哈赤已圍燒北關十九寨及我師應援隨撤兵以負婚怨明年復墾前罷耕地開原叅議薛國用力主驅逐始退地定界兼減貢夷四十三年白羊骨以老女許婚煖鬼奴

兒哈赤勒兵南關已竟寂然。四十六年四月潛師突
陷撫順總兵張承胤等馳援歾之。因賚蕃書請和自
稱建州國汗。五月剋撫安三岔白家冲三堡起原任
都御史楊鎬以兵部侍郎經略兼巡撫七月奴兒哈
赤從鴉鶻關入犯清河。唯叅將賀世賢縱擊燾陽塞
外得級百五十四而燾陽寬奠望風潰。賜經畧劍
一別以太常少卿周永春爲巡撫都御史九月奴兒
哈赤再從撫順入會安堡時東方有白氣長竟天其
占爲蚩尤旗十二月北關夷酋金台失報勦奴酋一
寨特賜金幣風勵之四十七年二月經畧侍郎楊鎬

以徵兵四集。遂誓師遼陽，分四路出塞進勦。一軍從
靖安堡趨開鐵，一軍從撫順關趨瀋陽，一軍從鴻鵠
關趨清河。一軍從涼馬佃趨寬奠北關，朝鮮各佐銳
師，而我主帥不一。兼先泄師期，三月朔，總兵杜松越
五嶺關前，抵渾河，棄車營趨利，遇敵萬餘，乘半渡遮
擊，遂大潰松血戰，死宅帥馬林師。後期踵敗，開原僉
事潘宗顏等竝歿之。總兵劉綎深入，尅十餘寨。後三
日，以墮賊詐，中覆，亦陣歿。而帥清河路者李如柏，以
撤回獨全，奴兒哈赤遂乘勝窺開鐵，圖捨金台失寨。
傳檄朝鮮，僭號後金國汗。黃衣稱朕，意揚揚自恣也。

六月從靜安堡入薄闊原北關爲出援兵二千。比至城已破。寇羽書告急。

上始起擢前御史熊廷弼代鎬經畧尋逮治鎬而奴兒哈赤以七月從三岔堡入剋鐵嶺。鐵嶺開原爲遼寧移。所倚匪賊則河東已在賊握中。北關與遼聲息不屬。而奴酋乘勝縛宰寨。脅燒屯炒花爲助。廣布間謀內地。所在殘躪目無堅城。可爲遼左心寒也。八月。經略特即熊廷弼入遼申軍令方慰撫北關爲犄角。奴兒哈赤往攻遼瀋綴我師。突引萬騎連破金台失及白羊骨寨。北關並歿。廷弼乃決策守遼陽。引水爲

防調李懷信代將。人心始定。奴兒哈赤因往開鐵運
取窖粟。以飽待饑。明年給事中姚宗文閱邊。查訪北
關部落。得金台失二女孫。一配虜酋腦毛大之孫桑
河兒寨。一配虜酋虎整兒。特給四千金。示優卹。用
縻其意。而南關裔止廣寧指揮王世忠。請實授遊擊。
風諸夷。經畧熊廷弼。以軍聲稍振。始議回守瀋陽。逼
賊穴。奴兒哈赤乃益速西虜。計令虜睨河西。誘我師
疲極。乘其敝。每聲言入犯。第時羽遊騎出沒。至發僞
榜招降。詬侮無狀。廷弼奏激同僚。減賊併請恩賞。將
士同甘苦。會

上慨發餉金三十萬。一軍盡謹知奴酋亡可翫足待。
而是役調兵十八萬歲增餉三百二十四萬金而羨。
海內大爲騷動。始海西兩關互讐構越四十年。自爲
刀俎以歸于盡。奴兒哈赤方袖手收漁人之利。而女
直諸部落盡併建州。遂忘其初。仰我鼻息。欲引金轍。
安忍好兵。甚矣夷之不度德也。